

麻科活人全書

原序

昔范文正公云不能為良相即當為良醫蓋良相者裁成輔相立政治以免人之飢寒良醫者辨症立方用藥物以救人之大札其事不同其活人均也然而蘇東坡有云藥雖進於醫手方多傳於古人若已經驗於世間不必皆由於己出士君子身居草莽而存活人之心其可弗博考方書而師心自用哉顧醫家之所難治者二而小兒更甚於婦人小兒之所難治者亦有二而麻疹更甚於痘症非敢輕痘重麻而謬銜己見蓋緣麻小症大險甚於痘况自古治痘之書不下百家且有專科治麻之書竟不多見故無名師然痘有傳苗之法可以調治於未然而麻

則盡由天命末由預防於先事醫家臨症往往束手大方脉以其為嬰孩也而委之兒科兒科又以其類痘瘡也而委之痘師世俗不察遂謂痘疹相通治痘之醫即可以治疹雖痘疹均屬胎毒而不知痘出於五臟臟屬陰陰主血故痘有形而有汁其症寒熱備有疹發於六腑腑屬陽陽主氣故疹有形而不漿其症多實熱而無寒痘以稀疏為貴疹以透密為佳痘以氣尊血附為美疹以血涼肌鮮為妙痘忌汗瀉以洩氣疹喜吐衄而分消二者相去逕庭其不同若水火然今責治痘者以治疹是猶責大禹而使掌火伯益而使治水也其能有濟也與而要非盡醫家之過也醫家非甚無良誰不存活人之心誰甘受殺人之

名活人而反以殺人是誠何故乎良以痲症之方書甚少後學無所取法即間有傳本亦往往語焉而不詳擇焉而不精而求其如痘書之明晰者從未之見亦何怪乎束手無策坐視而莫救也耶余素不通醫因見夫殤於痲者不禁勃然興活人之念故凡醫集中載有痲疹症治者必貨置案頭朝夕探索深究其奧頗有心會甲寅夏於友人處得靜遠主人痲疹辨症一帖繼又得痲科秘本二卷余細玩二書之論症立方較之審齊全書張氏醫通朱氏定論頗更精詳猶病其缺畧而不全也因更將聯杏心法景岳痲詮經驗治法等書各家痲疹之論與治痲之方悉為錄出移此所有補彼所缺以彼所詳益此所畧其有用

藥適忌措方背理者謬行狂瞽之見及余已試而有效者為之  
訂正自初潮至已出已收收後論症著明治方全備俾後之學  
者開卷了然有所宗式而不致束手其間雖有冗複之處皆因  
理所宜用故不忍重立以便名公博覽採擇而不致有缺畧之  
歎良工得此神而明之固可收活人之效庸工得此墨而守之  
亦可免殺人之慘自甲寅迄今十五年中五經試驗今春痲症  
震作變症非常殤殘頗眾凡經余調治者萬獲萬全思欲以一  
得之愚公諸同志爰編訂成冊分為四卷顏之曰痲科活人全  
書良不誣也原擬付之剞氏以求教於當世名師奈邇來兒女  
婚嫁費繁兼之食指日增囊無餘蓄有活人之心而無活人之

力非余本願也所望好善君子梓而布之此書得以廣傳海內  
使海內小兒不復為痲症所夭札則活人之功與范文正公並  
傳而余纍輯編訂微勞又不足言也是為序

肯

乾隆拾叁年著雍執徐歲壯月

穀旦

安成赤溪璞齋謝玉瓊崑秀 撰

## 原序

赤溪謝玉璫先生與余同鄉相隔數里素聞先生有濟人利物之事而於男婦麻疹之書可徵焉蓋麻疹原與痘瘡並重而治痘者有專家著書孔多獨於麻疹視為泛常書後畧載數方致治麻疹者不審麻症之輕重寒熱不辨藥性之補與涼依方直錄傷生極多先生不忍積數十年之精力博採古仙之著作而研究之辨其藥性別其症候纂成方書分為一百零八條余鄉間得其書而鈔謄者甚多其中每有大同小異之處余竊疑焉詳究先生於是書厯經四改而始成故鄉間所傳寫本因先生先後改正而有大同小異之說余近年與先生之令姪孫茂菴

相好托伊轉求先生之令孫瑞源出先生晚年親筆所訂之全  
本名之曰痲科活人全書其所謂活人者原欲活天下之人非  
僅活一鄉一邑之人也余體其志不惜斧資付之剞劂公諸天  
下俾治痲疹者有專科而種痲症者隨症用方依方治症則獲  
福無涯矣是為序

昔

乾隆五十七年壬子孟春月

穀旦

安成阜山劉齊珍撰



原序

治痘之書最多而麻書僅附於痘後則是痘有專科麻無專科也顧臟陰腑陽痘發於臟麻發於腑麻之症治不易於痘而世人輒易視之者豈以痘可兼麻乎無惑乎誤人多也安成璞齋謝玉瓊先生深究其理而覲陳縷析言之著為麻科活人全書誠為濟世利人苦海之慈航也阜山劉君齊珍始將是稿付諸剞劂梓而行之吾郡分邑張君紹香亦就其板而印送之領是書者不啻獲拱壁然固已屢試屢驗萬無一失矣然予於此喜之甚慮其板僅藏於一處不能遠佈又日就汗漫點畫模糊不能久刷他方他時種麻者未必普濟也因取其原本捐其工貲

而再開雕之不加一字不減一詞一一悉如其全書以廣行於  
世雖山陬海澨而遙窮年累世之後未必盡獲披覽然藉是以  
補阜山所未逮益廣璞齋濟世利人之心安知遠方後世之同  
志者不又無補余所未逮哉是為序

皆

道光三年歲次癸未

穀旦

宜春怡菴氏彭肇 撰

麻科活人全書目錄

卷之一

麻疹骨髓賦補訂

靜遠主人麻疹西江月刪訂

麻症條目法旨用藥要訣刪訂

增訂治麻問答提要

麻疹形式要旨括

麻症治法大畧括刪訂

密齊治法大畧括刪訂

驗麻色吉凶

海  
疹輕症

疹重症

疹不治症

疹死症括

宜用藥性

疹後宜用藥性

卷之二

四方疹名第一

歲氣第二

預解宣毒第三

諸潮亦能發疹第四

初潮認症第五

初熱未明是否勿峻發表第六

避風寒第七

忌恣食生冷物驟用寒涼藥第八

忌食辛辣熱物誤用辛熱藥餌第九

忌食諸肉雞魚鹽醋五辛等物第十

忌兼用補滋第十一

升發清涼解毒當分先後第十二

會疹當分天時第十三

補中第十四

正麻奶麻風癰不同第十五

溫麻第十六

痘夾麻出第十七

蓋痘解毒麻第十八

痘後山麻第十九

閉症第二十

首尾調和第二十一

熱有遠近而出第二十二

不熱第二十三

微熱第二十四

乍熱第二十五

壯熱第二十六

潮熱第二十七

渴熱第二十八

口渴恣飲致成水蓄第二十九

復熱第三十

始終潮熱不退第三十一

煩燥第三十二

出不快發不出第三十三

過期不出第三十四

已出熱甚不減第三十五

已出紅腫大甚第三十六

不透表第三十七

盡透表第三十八

一齊湧出第三十九

麻色分治第四十

陰陽兩部多少第四十一

紅潤不起已出不紅第四十二

鮮紅色淡紅色第四十三



粒紅膚白麻如肌白第四十四

紫黯色第四十五

粒頭焦第四十六

雲頭片第四十七

發斑似發斑屑已出夾斑第四十八

易收早收難收第四十九

卷之三

咳嗽第五十

氣促發喘鼻扇胸高第五十一

鉤胎第五十二

瘖啞聲音不清第五十三

呃逆第五十四

噴嚏第五十五

鼻通多涕鼻乾無涕第五十六

微汗自汗大汗無汗第五十七

衄血諸失血第五十八

嘔吐第五十九

吐痰癖後有痰胸口痰甚第六十

吐蚘虫第六十一

吐沫口中流涎不止第六十二

泄瀉第六十三

糞澹水瀉第六十四

瀉清第六十五

瀉而腹痛脹滿第六十六

咳嗽鼻衄嘔吐泄瀉首尾治法總論第六十七

大便閉第六十八

小便赤澀第六十九

大小便不通第七十

吐利並作下滯裏急後重脫肛第七十一

痢症第七十二

下疳第七十三

卷之四

眼光如水眼眶紅爛羞明赤腫眼淚生翳第七十四

眼閉第七十五

眼多眵淚第七十六

白珠紅赤第七十七

雀盲第七十八

口氣臭第七十九

口瘡第八十

舌生白珠第八十一

牙疳第八十二

狐惑第八十三

咬牙第八十四

舌胎第八十五

唇燥第八十六

唇舌破烈第八十七

咽喉痛第八十八

頭疼背強頭項腫遍身痛第八十九

腹痛第九十

腰痛第九十一

氣痛第九十二

頭溫足冷下體冷過膝四肢身體冷如冰第九十三

瘧疾第九十四

沉睡昏迷似寐非寐煩燥不眠第九十五

中惡第九十六

發搐第九十七

謔語第九十八

虛羸第九十九

妊娠出痧第一百

婦人出痧適值經行及經水非正期而來第一百零一

產後出麻出麻胎墮第一百零二

產婦麻後無乳第一百零三

麻後遍身腫第一百零四

餘邪為殃第一百零五

不食吃食大早貪食不厭第一百零六

麻後生瘡麻後遍身燥痒第一百零七

見毒醫毒勿泥麻法第一百零八

附錄進賢舒馳達先生麻疹論一篇

并案五條

附錄胥山王琦先生醫林指月書內論瘡一篇

卷八

附證一則



麻科活人全書卷之壹

安成

璞齋謝玉瓊纂輯  
阜山劉齊珍原刊

怡菴彭

肇續刊

麻疹骨髓賦 增補

麻雖胎毒。多帶時行。氣候暄熱。非令。男女傳染而成。其發也。與痘相似。其變也。比痘匪輕。愚夫愚婦。每視為泛常。若死若生。總歸於天命。不知先起於陽。後歸於陰。毒興於脾。熱流於心。臟腑之傷。肺則尤甚。始終之變。腎則無症。若得治法。方稱醫聖。閉門問途。不如途中尋徑。揚湯止沸。莫若釜底抽薪。初則發熱。有類傷寒。眼胞腫而淚不止。鼻噴嚏而涕無乾。咳嗽

少食。作渴發煩。以火照之。隱隱於皮膚之內。以手摸之。磊磊乎肌肉之間。其形似疥。其色若丹。出現三日。漸收為安。隨出隨收。喘急相干。無咳無汗。隱伏之端。根窠若腫兮。麻而兼癰。皮膚如赤兮。疹尤夾斑。似錦而明兮。不藥而愈。如煤之黑兮。百無一痊。此麻疹之順逆。須臨症以詳觀。

麻毒最重。治法不同。微汗常出。熱勢越而不留。二便清調。邪氣行而無壅。腠理拂鬱兮。即當發散。臟腑秘結兮。急與疎通。雖衄不必憂。邪從衄解。自利勿遽止。毒以利鬆。麻後變痢兮。熱毒移於大腸。咳嗽咽痛兮。痰氣滯乎心胸。口渴心煩。法在生津養血。飲食減少。治須調胃和中。餘症無常。臨期變通。

且如出之太遲。發表為貴。出之太甚。解毒最宜。毋伐天和。必先  
歲氣。寒風凜。毒氣鬱而不行。赤白痢。邪氣乖而作痛。或施  
溫補。勿助其邪。若用寒涼。休犯其胃。制其過。但取其平。誅其暴。  
必欲其正。達寒達熱。陰陽之勝負不齊。貴實貴虛。人品之強弱  
或異。此乃麻之大旨。醫家須當熟記。

至於藥性。更宜洞悉。防風荆芥。散腠理之寒邪。紫蘇葛根。解營  
衛之蘊熱。蘇子擅下氣之能。前胡有疎表之力。款冬消痰止咳。  
紫苑通肺開結。石斛行血中之滯氣。而用。枳根治麻後之白痢。  
而設。葱白上升。而發散肺胃。萊菔治氣。可推牆倒壁。竹茹可止  
嘔吐。柿蒂專療飢逆。芥子降氣。生地涼血。黃連入心而瀉火。黃

芩入肺定喘急。元參石膏治邪火之浮遊。枝子連翹開惡毒之  
拂鬱。括蕒潤肺止渴。須合麥冬。知母降火生津。必同黃柏。蘇仁  
性能滋潤。花粉用以解渴。芍藥佳腹痛。勿施於未收之前。白朮  
止脾泄。只用在收盡之日。欲行滯兮。須青皮只壳而同檳榔。要  
分利兮。用赤苓前子而共滑石。尿若瀦兮。利以朱苓木通。咽常  
痛兮。治以大青惡實。元胡活血止痛。蒲黃透瘀生血。丹皮破積  
生新。而引血歸經。紫草利腸涼血。而療疹紫黑。茅根止吐衄。降  
除伏火。紅花解麻毒。而散腫赤。咽喉若閉兮。射干助以豆根。牙  
齒生疳兮。紋蛤配乎溺白。心神驚恐兮。鎮以辰砂。臍腑閉結兮。  
利以大黃。葶藶杏仁。治喘氣之哕哕。薄荷竹葉。解膚熱之烱烱。

火燒人尿。密炒蘇黃。發癰毒之出現。令邪氣之舒張。只實山查。助脾胃而化毒。羌鈴骨皮。清肺熱以回瘡。

既識藥性。用亦有時。未透表。則前胡葛根荆芥防風必用。而已透當除。若已出。則黃芩黃連枝仁黃柏宜使。而初潮勿施。便閉以丑牛易大黃。免寒胃府。喘急用葶。惡寒升麻。怕增乳癰。麻色焦枯。生地歸尾為要味。疹達紫黑。紅花紫草正相資。此用藥之無機。則當擴而充之。

用藥知時。治有成方。初熱欲出未出際。宜用宣毒發表湯。見第五條除  
升麻升麻吉劑。已出紅腫太甚者。當施化毒清表湯。見十六條除  
梗甘梗甘劑。輕者。用瀉白散。見五十合乎消毒飲。見二十二子。毒重者。古方

黃連

解毒

湯見三大青五條除甘州

與吸嘗。若有泄瀉。用導

赤散

見二十六

以分利。如遇嘔吐。命竹茹

湯見五十九條除山查肉

而相將

庸工。渾使苦寒辛熱之品。名師不蒞。誅伐無過之殃。遵此秘旨。

無偏涼誤熱之咎。守而勿失。至起死回生之祥。特舉一隅。約法

三章。

麻疹既出。調理甚難。坐臥欲煩。飲食宜淡。風寒若受。今為腫為

熱。酸醎不禁。今為咳為喘。異氣縱威。變症宜參。便多膿血。今倉

廩夾熱。咳多痰沫。今華蓋傷寒。口爛唇裂。心脾之邪火未退。毛

焦髮枯。營衛之津液將乾。苟不明乎是症。何以見其折肱。

治此變症。各有奇方。身熱不除。生地骨皮

湯見三十一條除甘州合四物。湯見

五口瘡若甚。秘本洗心散。見八。十。對三黃。九。見四。消腫定喘。今

茅歷。條九。見五十。取效。化痰行氣。皆加味。二陳。湯。見六十。條。為良。

咳嗽氣急。除熱清肺湯。見五十。條。除。解除肺熱而有驗。喉痛唇

爛敗毒散。除柴胡白芍。清胃利咽而消殃氣血。已虛八珍。湯。見

條。增減而可飲水穀不納。石斛清胃。散。見五十。條。以堪當利

血。分清熱導滯。湯。見七十二。條。除白。加桃仁而增紅花。咳血。分

元參解毒。散。去甘草。厚朴。甘草。加茅根而倍地黃。此治麻之大

略。繼各條而再詳。大抵麻屬心火。必須解毒清涼。

敗毒散。治麻後口瘡唇爛咽喉疼痛。

射干 天花粉 連翹 牛蒡子 石膏 生地黃 黃芩

黃柏 元參 淡竹葉 犀角汁磨 金銀花 丹皮 薄荷

柴胡 白芍 甘草 吉梗 灯芯引水煎服

元參解毒散 治衄血失血

元參 黃芩 枝仁炒 生地黃 荊芥 粉葛 吉梗

甘草 水煎加茅根汁京墨水對服



靜遠主人麻疹西江月刪訂

痧疹俗呼麻子。蓋因火熱薰蒸。遍身紅點。殊砂形。發自心脾二經。最忌黑斑死症。極宜赤似硃紋。大抵治法喜涼清。不可辛甘犯禁。

麻子如何辨認。分明症似傷寒。此多咳嗽有紅斑。噴嚏眼中水現。或見腹中疼痛。或是吐瀉相兼。疹家吐瀉不須安。正要毒除熱散。

麻與痘瘡異治。二家不可同方。痘宜溫解疹清涼。又要現形為上。若受風寒不出。其間凶險難當。急宜發散保平康。切忌神昏腹脹。

麻症因何咳嗽只因肺與心通肺金被火苦熬煎以致咳嗽氣喘治當清金降火不宜誤用辛甘譬如包子蒸籠然只要氣鬆火燭。

凡遇麻子出現詳看天令如何假如日燠又風和荆防敗毒堪可若是時行疫癘芩連消毒宜多用心調理救沈疴莫學觀天井坐。

且說荆防敗毒散此為發散仙方防風荆芥生地黃酒炒黃芩黃連二樣赤苓乾葛灯草連翹只壳牛蒡子元參杏仁實為良淡竹葉水煎停當。

又有芩連消毒飲清金散火尤佳黃芩黃連防風及枝仁黃柏。

只壳骨皮共把。石膏乾葛知母。連翹牛蒡子。天花粉。引用淡竹葉要多。加此個方兒高價。

若是發散不出。令人真個憂疑。蘇黃酒蜜炒。如煤枝仁。黃柏黃芩。黃連一劑。更加大黃酒炒。更翹牛蒡子。相隨。石膏蟬蛻。紅花子。不效。命難塵世。

如見出時紫黑。此般症候多凶。急求人壽路歸東。火煨存性。取用細研酒調吞服。須臾紫黑變紅。若還依舊黑。膝腕管取黃藥一藥。

麻子現形發熱。尋常只用化斑。湯石膏枝仁及元參。只壳連翹牛蒡子。靈驗。若是毒多熱甚。芩連消毒。為先。大便軟結。丑牛

添務使微瀉數遍。

痲症頻多咽痛。火邪薰灼無他。連翹豆根要多加。射干牛蒡子煎罷外用十宣妙散。見八條吹喉休要呼嗟。假如見效莫爭差。芩連消毒飲堪誇。

咳嗽聲亡氣促。只消降火清金。黃芩枝子赤茯苓。葶藶石膏一定。知母貝母元參地骨皮括蕤仁麥冬杏仁連翹牛蒡子妙如神。淡竹葉將來作引。一書有黃連

痲症若兼瀉利。預先用藥調醫。瀉時須用三苓。散見三條宜加上車前子滑石如見痢兼赤白。加減黃芩。湯見七條相隨大都痢止便為奇不效令人疑忌。

痲後須防四症。不治常致誤人。遍身餘熱。欠清寧。一症。咳嗽連聲。  
牽引。二症。牙齒疳生走馬。三症。利下赤白難禁。四症。各求方法細論。  
評曉是痲科醫聖。

問甚身間壯熱。只因餘毒留連。金華九子是靈丹。枝仁黃芩黃  
連龍胆。草薺金雄黃解毒。燈芯地骨皮湯吞。若還脾弱熱綿。  
延集聖九胃苓湯任選。

集聖九當歸川芎。蘆薈五靈脂。夜明沙。砂仁青皮。莢朮加黃連。  
酒炙蝦蟆。蛟。即珂。猪胆粟米粉。糊丸。清晨米飲吞下。治疳肥兒。  
功最大。此個丸兒堪誇。

平胃散五苓散相合。方兒名曰胃苓。湯蒼朮。茯苓肉桂與猪苓。

陳皮厚補澤瀉分明。白朮須宜生用。去肉桂甘草煎成浮腫  
泄瀉食積停入口。效應如神。

咳嗽頻不止。為因不禁酸醎。又加火毒肺家炎。尤恐胸高氣  
喘。體實却用葶藶。九神虛清肺神丹。如斯調理保平安。莫向  
風波弄險。

葶藶丸除肺熱。杏仁葶藶防已。牽牛萊菔子相隨。紅棗肉搗成  
為劑。清肺神丹降氣。鹽水煮焙陳皮。黃芩黃連枝仁黃柏杏  
仁泥。蕪子稀糊丸易。

口齒生瘡臭爛。此名走馬牙疳。金華丸于內求安。外用除疳妙  
散。先取桶中尿白。火煨白色如鹽。五倍子銅綠退壳。退即退  
幣。

再加礪砂水片。

赤荆下成鮮血。黃連柏葉槐花。只壳荆芥穗同加。荆止血除繞。罷白荆菜。黃滑石。樗根只壳升麻。烏梅取肉作丸佳。赤白香連丸可下。

香連丸又名香橘。五錢木香陳皮。石連子取肉半數宜。等分用一兩黃連另製外將菜莢五錢同黃連炒而用之炒後去菜莢勿同施。神麴糊丸吞餌。

痘後麻疹即現。治法從未講究。專用清肺是妙手。發散與補俱謬。藥用黃芩桑白皮貝母牛蒡子同傳。更宜倍入西河柳特為後學指授。

麻後如變瘧疾。清涼健脾為佳。麥冬、薏苡仁、粉乾、葛白、茯苓、陳皮、鱉甲、柴胡、白芍、淡竹葉。知母、貝母、山查。渴甚再杷石膏加。不渴知母並罷。

更防四種死症。臨時休得殊差。毒多體熱。瘦如麻。一症咳嗽面青。聲啞。二症走馬。牙疳唇齒肉落。三症痢疾禁口吁嗟。四症此般即是死冤家。不可騎牛覓馬。

婦人出麻時候。天癸正當臨期。血走氣虛難支持。伏陷恐成在斯。藥忌辛酸升發。養陰。湯見三十二條加減最宜。用心調理莫待遲。臨危法無可施。

婦人麻初發熱。經行非期何因。毒火內迫血離經。元參地黃湯。



進。或將解毒湯四物湯二方合用調停。服後天癸依然行。定變伏陷逆症。

元參地黃湯神方。丹皮生地元參炒黑蒲黃枝仁。添水煎入口。靈驗。四物湯除去川芎白芍。解毒湯枝仁黃柏黃芩黃連。服後經止立便痊。不應中虛症變。

妊娠如逢出疹熱蒸胎必墜傷熱甚兒墜母安康。輕或兩全無恙。初潮宜用參蘇飲。減去半夏木香。或已現麻須更方。安胎引用停當。

初潮宜用參蘇飲。加減全憑神醫。只壳前胡與蘇葉。除去甘草。吉梗陳皮葛根白茯苓同煎。人參半夏木香須忌。加入連翹。

牛蒡子。見母宜。勿學庸工執泥。

出現宜用安胎。飲川芎白芍當歸身。蘇葉甘草條子。芩大腹皮。

烏豆水浸。陳皮姜湯泡去白。姜汁炒連壳砂仁。人參白朮用。

時須當斟。耘米一撮為引。白芍出現時須當並除。

附秘本妊。孕婦如逢出疹。須防熱甚胎傷。川芎當歸白芍生地。

黃是主方。斷艾條子。芩多放。砂仁連壳姜汁炒。安胎清熱最。

良用心調理。莫倉皇。務保子母無恙。

產後如遇出麻。用藥休使寒涼。四君子湯見七。四物湯見二。

全大補湯。補養氣血為上。綿芪肉桂。因人施用。全在良師審。

詳。若泥寒涼。生氣傷。好似雪上加霜。

且說十全大補湯八珍湯加味成方。川芎當歸身生地黃人參  
白朮白朮甘草相將。肉桂白芍俱用酒炒。黃芪蜜拌炙為良。  
水煎濃汁與之嘗。加減聽憑酌量。

痲症條目法旨用藥要訣刪訂

初起已出及已收。症立條目治立方。不敢峻熱與用霸。隨時解毒萬無妨。

初潮症治

初起潮熱者。用宣毒發表湯。見第五條除升麻吉梗甘草加紫

蘇葉葱白。

已出潮熱者。用葛根疎邪湯。見第三十條加黃芩。或清熱透肌

湯。見第二十五條去甘草。加黃芩骨皮。

寒熱似瘧者。用防風敗毒散。見第五條除吉梗甘草。加前胡

赤茯苓。

煩熱症治

已收潮熱者。用生地骨皮湯。見三十條去甘草。加黃連。只壳。或

古方黃連解毒湯。見三十條加地骨皮。連翹。牛蒡子。當歸。

初潮煩熱。未出時煩燥者。用防風敗毒散。見第五條去吉梗甘

草。加麥冬。黃芩。葛根。

已出煩燥者。用白虎解毒湯。見二十條加骨皮。黃柏。連翹。

已收煩燥者。用白虎解毒湯。見二十條加骨皮。黃柏。牛蒡子。

只壳。木通。

譫語症治

初潮譫語者。用宣毒發表湯。見第五條去升麻。吉梗。甘草。加桂

府滑石辰砂末

已出譚語者。用加味道散。見四十條調辰砂滑石末。或古

方黃連解毒湯。見三十條調辰砂滑石末。

已收收後譚語者。實屬凶兆。用古方黃連解毒湯。見三十條

合加味道散。見四十條調辰砂滑石末。

咳嗽症治

初潮咳嗽乃屬美候。用宣毒發表湯。見第五條除升麻吉梗甘

草加桑白皮。如潮熱輕者並除淡竹葉。

已出咳嗽亦屬美候。用聶氏清肺飲。見五條除陳皮紫胡吉

梗甘草貝母。加只壳連翹牛蒡子。或除熱清肺湯。見五條

除甘草赤芍。加只壳連翹牛蒡子。或加味瀉白散。見五條

除甘草人參。加只壳連翹牛蒡子。  
已收收後咳嗽者。用秘本門冬清肺湯。見五條除甘草吉梗  
粳米不作口渴者。並除石膏。

### 泄瀉症治

初潮泄瀉乃屬美候。用宣毒發表湯。見第五條除只壳薄荷葉

淡竹葉升麻吉梗甘草加赤茯苓車前子。

已出泄瀉者用猪苓湯。見六十條除甘草。有用古方黃連解

毒湯。見三十條合三苓散。見三十條者。

收後潮熱泄瀉者。用加味導赤散。見四十條

嘔吐症治

初潮嘔吐者。用竹茹湯。見五十條除山查加荊芥防風前胡

葛根連翹牛蒡子枇杷葉。

已出嘔吐者。用竹茹湯。見五十條除山查加連翹牛蒡子。

收後嘔吐者。用石斛清胃散。見五十條除丹皮赤芍甘草加

竹茹枇杷葉柿蒂。

大便不通症治

初潮大便閉者。用前胡只壳散。見五十條除大黃甘草加五

牛連翹牛蒡子防風葛根。

已出大便閉者。用當歸潤腸湯。見六十八條除升麻全熟



甘草熟地黃加連翹牛蒡子。

收後大便閉者。用河間涼膈散。

見二十條除甘草。

小便不通症治

初潮小便閉者。用三苓散。

見三十條

加防風葛根連翹牛蒡

子木通車前子只壳。

已出小便閉者用導赤散。

見二十條

除甘州

收後小便閉者用通關散。

見七條

除人參甘草大黃。

大便出血症治

初潮大便出血者用宣毒發表湯。

見第五條

去淡竹葉升麻甘

草吉梗。

加生地黃丹皮。甚者更加犀角。有用犀角地黃

湯見五十條除白芍。加荊芥防風牛蒡子連翹葛根者。

已出大便出血者。用涼血地黃湯。見四十條除甘草。加連翹

牛蒡子犀角。有用犀角解毒湯。見五十條除赤芍。加元參

者。

已收大便秘血者。用犀角解毒湯。見五十條除赤芍。加連翹

牛蒡子炒蒲黃。有更加桃仁者。蓋欲去其積血也。愚謂

汗生新。更為妥當。

小便赤澀症治

初潮小便赤者。用宣毒發表湯。見第五條除升麻。加甘草。加

澤瀉。

已出小便赤者。用加味導赤散。見四十條有用古方黃連解

毒湯。見三十條加木通者。

收後小便赤如泔濁者。用加味三苓散。見十一條

口鼻出血症治

初潮口鼻出血者。用宣毒發表湯。見第五條除升麻。吉梗甘草

加炒枝仁。茅根。生地黃。

已出口鼻出血者。用加減犀角地黃茅花湯。見五十條除甘

草。有用古方黃連解毒湯。見三十條加童便炒枝仁者。

收後口鼻出血者。用犀角解毒湯。見五十條除赤芍。加茅根

當歸尾。百草霜。

咽喉痛症治

初熱咽喉痛者。用敗毒散。

賦見骨髓

除柴胡赤芍吉梗甘草。加

射干麥冬山豆根防風。

已出咽喉痛者。用敗毒散。

賦見骨髓

除柴胡赤芍吉梗甘草。加

射干枝仁山豆根。

收後咽喉痛者。用敗毒散。

賦見骨髓

除柴胡赤芍甘草吉梗。加

射干枝仁山豆根黃連。

腹痛症治

初潮腹痛者。用宣毒發表湯。

見第五條

除升麻吉梗甘草。

已出腹痛者。用清熱透肌湯。

見第六條

除甘草。加只壳。

收後腹痛者。用古方黃連解毒湯。見三十條加只壳山查肉元參。

聲音瘖啞症治

凡聲音啞瘖者。用清金降火湯。見五十條除白芍陳皮甘草吉梗。加石菖蒲。有用訶子肉磨水服者。

夾丹症治

夾丹者。用古方黃連解毒湯。見三十條加連翹牛蒡子當歸

尾生地黃丹皮元參。有用河間涼膈散。見二十條去芒硝甘草。加生地黃當歸。

夾痧症治

夾痧者。用犀角紅花飲。見四十條加黃連紫草大青

夾痢症治

初潮夾痢者。用葛根解肌湯。見第五條除赤芍藥甘草蟬蛻加

防風只寬

已出夾痢者。用清熱導滯湯。見七十條除白芍查肉厚朴甘

草。

收後成痢者。用清熱導滯湯。見七十條除白芍甘草。

有前後俱用古方黃連解毒湯。見三十條加只壳白芍或

三苓散。見三十條加酒炒黃連黃芩木通白芍者。在初潮

不宜用大涼之劑。收後三苓散分利似乎無濟且白芍

始終俱宜酌用此法不大妥當。

牙疳症治

凡遇牙疳症用加味清胃散。見六十條

麻瘋瘡症治

用解毒湯。見一百七條有用大連翹飲。見十八條加金銀花者。

增訂治麻問答提要

一問曰麻之初出。何以明知發於肺胃二經。答曰肺主一身之皮毛。胃乃主納五穀。若皮膚堅厚。腠理閉密。而麻難現。毛孔開。毒從裏出。而麻易透。胃火壅滯。故不能食。火邪清消。而口能食。是以知也。所以治麻之法。初時專以發散解表。清胃火為主。宜用加減參蘇飲。去吉梗甘草。加連翹牛蒡子荆芥防風石膏治之。又問曰假如用加減參蘇飲。發散不出。何以治之。答曰以麻黃散發之。或以三仙散發之。即出。

加減參蘇飲

紫蘇葉 荆芥 粉葛 茯苓 只壳 吉梗 甘草



生薑蔥白引水煎熱服

麻黃散

麻黃

蜜酒炒黑

只壳

赤茯苓

木通

蘇葉

前胡

葛根

連翹

牛蒡子

蟬蛻

紅花

蔥白引水煎熱服

三仙散

紅花

牛蒡子

炒

川山甲

珠炒成

水煎熱服

二問曰麻症忌用人參半夏升麻而痘症又用升麻代犀角以補其氣何以辨。答曰麻乃肺胃蘊積熱毒而發不宜內實。又不宜溫補。而最喜清涼。夫麻出於六腑。所以先動陽氣。陰血多虧。陽者氣也。故不漿。升麻能升動陽氣上冲。是以麻症最

忌瘧出於五臟。宜內實最喜溫補而助膽。其以升麻代犀角者。乃生犀地。

明胃經耳。

見八十一條。中用升麻以引生地黃而入足陽。

三問曰。麻疹初出咳嗽。何以治之。答曰。麻初出咳嗽。宜用加減瀉白散。去人參甘草粳米。合三味消毒散。去甘草或用白虎湯去甘草粳米。合三味消毒散。去甘草或以三拗湯治之。如或不效用。加味五仙散。去吉梗芽茶。加牛蒡子麥冬主之。

加減瀉白散 治肺炎喘嗽

桑白皮炒密 地骨皮 炒甘草 人參 白茯苓 肥知母

枯黃芩 粳米一撮引

三味消毒散

午夢子

炒二兩

荊芥

二分錢

甘州

錢五

每用三錢水煎服

白虎湯

清肺金瀉胃火

石膏

知母

炙甘草

粳米一撮引

三拗湯

治風寒傷肺而咳誤行飲肺而壅咳嗽喘急

麻黃

不去節三錢

杏仁

連皮尖用二十粒

生甘草錢一

水煎服

加味五仙散

治咳嗽不止

知母

貝母

各二錢

桑白皮

錢七

款冬花

錢四

吉梗

錢七

芽茶

錢五

為末每用一錢杏仁煎湯下

四問曰麻症發熱五六日欲出不出或作驚候吐瀉交攻可

治之。答曰發熱而麻欲出不出。乃淫火之毒內相攻搏。以致胃家受火邪之毒。而作吐瀉。急宜分利。而兼清胃瀉火。以加味導赤散主之。兼驚者加辰砂滑石末調服。萬無一失。或以麻黃散去升麻濟生散等劑治之。

加味導赤散 清心胃利小便止驚泄

薄荷葉錢四 生地黃洗酒 不通 元參 車前子 蓮翹

淡竹葉錢七 黃連錢三 灯心石羔引

麻黃散

麻黃去根節水煮打去綠汁 升麻酒炒 人中黃瓦盛

牛蒡子炒 蟬蛻去頭 水煎服

濟生散

治麻欲出不出而生癰症入口即救

戴草茸

梅蕊

鳳尾草

鬱金

牛黃

川山甲

五分

蟬退

去頭足

為末麥冬煎湯下一錢

五問曰。癰出一日而又收。腹中竹脹。喘急者何也。答曰。出而又收。乃為風寒所觸。腹中作脹。乃是麻毒內攻。喘急者。乃是麻毒攻胃。急宜早治。若遲則傳三經而難治矣。當以葛根疎邪湯。加括蕒仁石膏。只實主之。或以回生消毒散治之。使麻毒內解。則無後患矣。

葛根疎邪湯

葛根

防風

荊芥

蘇葉

方子

連翹

地骨皮

前胡 赤茯苓 只壳 木通 水煎服

回生消毒散 治麻出而又收腹脹喘息

牛蒡子

北龍

即蚯蚓晒乾去土各二錢

殭蚕

貝母

防風

荊芥

各一錢

蟾酥

二錢

為末以淡竹葉煎湯下一錢

六問曰麻症服發散解毒之劑麻不出而發斑何以治之。答曰麻症服發散解毒藥麻不出而發斑乃心經君火盛而毒內攻也。當用通利之劑名為釜底抽薪使內熱一解則麻易出。縱不出亦不為害。以化斑解毒湯去升麻主之。或以清寧散加減治之亦可。

化斑解毒湯

元參

知母

石膏

牛蒡子

連翹

人中黃

火煨另研用

大黃

酒蒸

淡竹葉

升麻

水煎調人中黃服

清寧散

主瀉心肝

即瀉青丸以蜜合丸淡竹葉煎湯下治同

大黃

酒蒸一兩

羌活

枝仁

炒

川芎

龍胆草

防風

當歸

酒洗各五錢

為末蜜水調下

七問曰痢後作吐瀉不食發熱多有難救者何也答曰痢收後

吐瀉不食乃脾胃二經之症脾虛則瀉胃虛則吐治法當以

理脾安胃為主不可遂用人參白朮只宜用六仙散治之若

熱不退則以四物湯見二十條調六仙散治之倘用人參白朮

則助虛氣作喘而死

六仙散

治麻後吐瀉不食發熱

馬蟻花

二錢 煨灰

藕節

一錢 蓮肉

薏苡仁

各二錢

釵石斛

陳早米

五錢 炒各

為末米湯送下三錢

八問曰麻後鼻乾黑燥昏沈不睡又有喘急咳嗽多有用白虎

湯而死者何也答曰麻後鼻乾黑燥乃火邪刑金作喘急乃

胃氣虛也初出而見此候乃肺胃火邪盛用白虎湯

見二十條

以清肺經之金而瀉胃火實為得宜麻症日久胃虛收後而

見此症用白虎湯則更有傷胃氣不死何為只宜以消毒清

肺飲去吉梗甘草加括蕒仁葶藶主之可保無虞倘服消毒

清肺飲而不應可用復元散除驚栗壳吉梗加括蕒仁葶藶



一二服則安。或用補肺阿膠散更妙。

消毒清肺飲 治麻後喘嗽鼻如烟煤

防風 荆芥 牛蒡子 連翹 桑白皮 知母 貝母

陳皮 赤茯苓 百合 吉梗 甘草 水煎服

復元散 治麻後喘急鼻孔乾黑如煤

貝母 百合 阿膠炒 枇杷葉 去毛 吉梗

鷲粟壳 炒各一錢 為末用桑白皮煎湯下一錢

補肺阿膠散 治法加減詳五十一條

阿膠 蛤粉 馬兜鈴 牛蒡子 炒 糯米 炙甘草 各一

杏仁 去皮尖 水煎服

九問曰。麻後牙疳多致不治者何也。答曰。麻後牙疳。乃失血症。是熱留足陽明胃經。餘毒上攻所致。而有五不治之候。須要看症明白。自外延入內者不治。無膿血者不治。通齦白色者不治。牙齒落者不治。口臭者不治。除此五症。內服犀角消毒飲。或加味清胃散。外用藥方搽之。毒消自愈。

犀角消毒飲

牛蒡子

炒研一錢五分

荊芥

黃芩

防風

犀角

甘草

各錢

水煎日二服

加味清胃散

治口舌生瘡牙齦腐爛

生地黄

升麻

丹皮

當歸

黃連

犀角

連翹

生甘草 水煎服

搽牙藥方 治麻後走馬牙疳

人中白 煨 雞肫皮 錢各一 乳香 熨 沒藥 熨 兒茶

硃砂 各五 白竭 五 梧子 各三 赤石脂 煨 海藻 硝

明礬 煨各 麝香 冰片 各二

為末用粟壳煎湯洗淨搽之要速效須加牛黃二珍珠末二和勻搽之

又搽牙藥方

紅褐子 煨 人中白 二 錢 白梅 煨 麝香 二 冰片 一

五穀虫 煨 為末先以韭菜煎湯洗患處搽之

十問曰。麻症又有發斑紅。而麻反不紅者。何也。答曰。麻出於胃。斑亦發於胃。斑是火大盛。而麻縱不紅。亦無大害。只宜以清熱消毒治之。用犀角消毒飲。見第九問可也。或以犀角一味磨汁與服亦可。若發斑則為胃爛不治。

十一問曰。麻初出四肢浮腫。何以治之。答曰。四肢浮腫。乃是溼熱流於四肢也。以五皮散加葶藶治之。如不應。用木通散與之一二服即愈。

五皮飲

大腹皮 茯苓皮 陳皮 五加皮 薑皮 水煎服

木通散

禾

地龍

晒乾燒  
灰一錢

通草

焙焦

木通

焙乾各  
五錢

為末用米湯調下一錢

麻疹形式要旨症治秘訣

麻疹初呵欠噴嚏嗽。密密無縫痂。蚤形。下出上收煩燥渴毒從腸腑發皮生。

麻疹之症面必紅。咳嗽噴嚏鼻流膿。兩淚汪汪如哭狀。莫作傷寒一樣攻。

麻疹症治大略括

麻疹若不出宣毒發表

湯見第五條先咳嗽宜清肺湯見五條熱多用

化斑

湯靜遠主方見五十七條

密齋治法大略括 刪訂

麻疹未出用荊防敗毒前胡葛根炒牛蒡子赤苓只壳同連翹

薄荷葉石膏多用良。

麻疹出甚用黃芩黃連知母石膏加元參麥冬生地黃牛蒡子。  
竹葉骨皮名化斑湯。

麻後咳嗽仍不退清肺散子同竹瀝黃芩貝母括蕒仁牛蒡子。  
麥冬防風桑白皮與地骨。

潮熱元參麥門冬木通知母貝母桑白皮入生地黃黃芩與地  
骨皮解熱清心清肺葉。

泄瀉三苓散見三條或導赤散見二條更將六一散見六十條子對若  
變痢症問香薷又名香連丸見六十三條走馬牙疳清胃散見七條最。

驗瘰色吉凶

瘰疹色紅者吉

瘰疹色赤者重

瘰疹色黃者危

瘰疹色黑者死



麻疹輕症

或熱或退五六日而後出者輕

身有微汗滋滋潤潤氣不甚粗身不焦熱麻出必輕  
淡紅滋潤頭面勻靜而多者輕

透發三日而漸收者輕

痧已出明白後而身上皮膚或青色或紅紫色者俱無妨  
上身熱下身涼此乃膈熱下涼不妨

麻疹重症

鼻出血者、毒重。

口出血者、毒尤重。

二便出血者、毒更重且危。

初起手足心如火熱者、重。

初起脚冷如冰者、重。

氣喘鼻乾、更又鼻掀、作嘔吐、驚搐狂燥無汗者、最重。

頭面不出者、重。

紅紫點燥者、重。

咽喉痛不食者、重。

冒風收早者重。

移熱大腸變痢者重。

夾斑夾癰夾丹者重。

舌出血者重。

麻疹不治症

黑點乾枯一出即收者不治。

氣喘心前吸者不治。

身上一遍紅與肌膚平者必當發。如發後仍復如故不治。

鼻扇口張兩目無神者不治。

鼻清糞黑者不治。

當面牙齒黑者不治。

走馬牙疳不治。

舌長過寸者不治。

胃爛者不治。

痲後泄瀉不止者不治。

痲疹死症括

已收。渾身熱不涼。昏沈恍惚。語無章。飲食不進。舌胎白。失智。尋衣與摸床。元氣精神。混懶散。一魂尚爾。未飄揚。逢斯強藥求全。毀任是高明。莫主張。

宜用藥性

防風 入小腸大腸胆心胞絡膀胱

治風去溼之仙藥。乃卒伍卑賤之職。隨所引而至。其性上行。故治上感風邪。瀉肺實喘滿。周身痺痛。四肢攣急。目盲無光。風眼冷淚。一身盡痛。脊痛項強。不能回顧。腰似折。項似拔。瘡在胸膈以上。俱宜用。為其散結。去上風熱也。肺虛有汗。喘乏發嗽。陰虛盜汗。陽虛自汗。瀉後脾虛發瘧。產後血虛發瘧。忌用。

荊芥 入肝肺氣分

祛經絡中之風熱。能清頭目。去瘀血。破積氣。消瘡毒。表虛自汗。陰虛面赤者。忌用。

薄荷

入肝肺

消風散熱。治咳逆失音。頭痛頭風。眼目口齒諸病。利咽喉。去舌胎。除小兒驚熱。瘰癧瘡疥之要藥。又能開鬱散氣。

蘇葉

入氣血兩分

解表利咽。開胃通腸。下氣除寒。升中有降。久服泄人真氣。脾胃虛寒人過服多泄。

前胡

入肺脾胃大腸胆三焦

其功長於下氣。氣下則火降。痰亦降矣。故能治痰熱喘嗽。痞膈諸疾。為痰氣之要藥。其性治氣實風痰。凡陰虛火動之痰。及不因外感而有痰者。禁用。

葛根 入大腸胃

能鼓胃中清陽之氣。主消渴身熱嘔吐。使胃氣敷布能啟陽氣。解諸毒。使胃氣升發邪毒自散而不留。乃大腸胃經之專藥。治頭額痛。眉稜骨痛。天行熱氣嘔逆。發散解肌。開胃止渴。宣發痘疹。

葛花 能解酒毒

葱白 入肺胃

專主發散。以通上下陽氣。能出汗。

胡荽 通心脾達四肢

能辟一切不正之氣。痘疹不出者。搗濕衣被發之。春夏陽氣發熱之時。用之反助熱毒。恐變黑色。不可不慎。



連翹 大腸心胞絡氣分藥

瀉心經客熱。破血結。散氣聚。消腫毒。利小便。瀉心火。故諸痛痒瘡皆治。又能清胆經鬱熱。

牛蒡子

又名大力子  
又名惡實

肺經藥

治風溼癰疹。咽喉風熱。散諸腫瘡瘍之毒。為痘疹之仙藥。又能去皮膚風。消癰毒。

犀角

入胃

涼血散血。蓄血。解癰疽癰疹毒。治驚狂解蠱毒。又治吐血衄血。便血尿血。痘疹血熱。毒甚者尤為必需。

大豆

解丹毒煩熱。治風疹。及藥石發動。並解熱氣。治奔狔。

### 山莖根

治咽喉諸疾。及喉痺。解痘疹熱毒。止痛消痞。腫毒。治發熱咳嗽。善治人馬急黃。殺小虫。腹脹喘滿。卒患熱厥。心痛俱宜。脾胃虛寒作瀉者忌用。

### 人中黃

解天行狂熱。溫毒發斑。一切諸毒惡瘡。

### 人中白

治口瘡舌諸瘡最效。為降火之妙味。

蚯蚓

又名地龍。白頸者良。解熱毒。人鹽化為水。通經絡。多乾用。

專殺蛇蠱三虫。伏尸諸毒。解淫熱。利小便。通經絡。治痘瘡。脾胃虛熱。嬌紅五六日。漸變乾黑。伏陷者。又治溫病大熱狂妄。天行大熱。小便暴閉不通。

西河柳 入胃大腸

其功專發麻疹。兼解酒毒。去風以之煎水洗風疹。身痒最效。

雄黃 入胃

破陰邪。殺百虫。辟百邪。治寒熱鼠瘻。惡瘡疽痔死肌。

蟬蛻

治皮膚癢瘍風熱。破傷風。痘疹發痒。痘後目翳。小兒夜啼驚痢。

黃連

入心肝

瀉實火。去熱。治目痛。皆傷泣出。明目。治腹痛。下痢。止消渴。鎮驚。厚腸。治口瘡。

枯黃芩

入肺

瀉肺火。清肌表之熱。條芩瀉肝胆大腸火。除胃中熱。子芩治血熱妄行。

黃柏

入腎經血分

治肺脾大腸胃心胞絡肝經。溼熱之專藥。又治腎水膀胱不足。諸痿厥無力。

枝仁

除心肺客熱。兼治五內邪熱。胃中熱氣炒黑用。專瀉三焦之火。及痞塊中大。最清胃腕之血。屈曲下行。能降火從小便泄去。

石膏 入肺胃

治熱病暈病。口乾舌焦。大渴引飲。自汗頭痛。溺瀆便閉。齒浮面腫。腹中堅痛諸熱症。

大青

即蓼

入肝

性稟至陰。其味苦寒。專於清解溫熱諸邪。陽毒發斑。咽痛必用之藥。天行熱狂。疔腫風疹。並治俱用。其葉蓋煎瀉肝胆之實火。正以祛心胃之邪熱。所以小兒疳熱丹毒必用之。

莖之性味亦治溫熱毒盛發斑等候。

青黛

乃藍澱浮沫攪沈掠出陰乾用

瀉肝胆

散鬱火。治瘟毒發斑。及產後熱利下重。天行寒熱頭痛。與藍性同。而止血拔毒之功。殺虫之力。似勝於藍。又治噎膈之疾。和尿白華冰片吹口瘡最效。

元參 入腎

主腎水受傷。真陰失守。孤陽無根。亢而僭逆。咽喉腫痛之專藥。能清上焦氤氲之氣。無根之火。又治目赤腫痛。脾虛泄瀉者忌用。

淡竹葉

性專淡滲下降。故能去煩熱。清心利小便。根能墜胎催生。

大黃 脾胃大腸三焦血分藥

凡病在五經血分者宜之。能行瘀血。導血閉。通積滯。破癥瘕。瀉痞滿。潤燥結。數腫毒。瀉腸胃燥熱。

丑牛

專一行水峻下之藥。白者利肺。治上焦痰飲。除壅滯氣逆。通大腸風秘。除氣分溼熱。黑者瀉堅。兼瀉脾胃之溼消腫。治脚氣利大小便閉。凡病在血分病人稍弱而痞滿者不可用。

只實 入脾肝血分

消食瀉痰。滑竅破氣。治宿食不消。心下痞悶。

只壳

世肺走大腸破氣化痰除寒熱結

芒硝

即朴硝出齊衛者上生鋒芒謂之芒硝

治五臟積熱胃脹閉滯蓄結飲食推陳致新除邪氣治小兒赤遊風以硝傾湯中取布蘸溼拭之熱結不至堅者不可輕用

大麻仁

入大腸脾經

其性滋潤初服能令作瀉久服能令人肥健有補中益氣之功臟腑結燥者宜之又治胃熱便難止消渴通乳汁催生難產及老人血虛便閉婦人產後便閉最宜

猪苓

入膀胱腎經血分

性善疎利經府能利水而瀉脾胃水蓄之症又治癰癤虫症



澤瀉 入膀胱

治渾身熱汗出。利膀胱溼熱。逐心痰氣。治水蓄煩渴。其功長於行水。素多溼熱之人甚宜。然亦不可過用。多服病人腹赤茯苓 入心

但主導利而已。能瀉心經水蓄之症。

川木通

入心心胞絡小腸膀胱

脾胃不和水道不利致鬱為寒熱。為腫脹。為淋秘。為痺痺。俱宜用此淡滲之。分利陰陽。則水行火降。脾胃和而心腎平矣。其性除脾胃寒熱。利九竅血脉關節。上通心清肺達九竅下瀉溼祛熱。能瀉心經水蓄之症。

京花通 入肺胃

入肺引熱下降。而利小便入胃通氣上達而下乳汁。治五淋

癰閉

妊娠忌用

車前子 入膀胱腎經

利小便而不走氣。治氣癰止痛。通腎氣以利小便。則溼去而癰閉除。清熱利竅。專通化行水道。疎通膀胱溼熱。不致擾動真火。能瀉腎與膀胱水蓄之症。

滑石

上能散表下能利小便。為蕩熱散溼。通利六腑九竅之專品。清肺胃之氣。下達膀胱。蕩胃中積聚寒熱。

燈芯艸

瀉肺利水。治急喉痺。燒灰吹喉。燒灰塗乳上與兒食。止小兒夜啼。

瞿麥

利小便。主關格諸癥結。出竹木刺。決癰腫。明目去翳。破胎墜子。下閉血。

篇蓄

利水散溼熱。治黃痺霍亂。療小兒魅病。女子陰蝕及浸淫瘡。疥疽痔。殺三虫。

山茵陳 入膀胱

又名角蒿。生子如鈴。味辛苦。有小毒。專於殺虫。治口齒瘡。絕妙。有逐溼化熱之功。

綿茵陳 入膀胱

葉細如青蒿。專於利水。為溼熱黃疸要藥。治風溼寒熱結。黃疸。溼伏手陽明大腸。足陽明胃所主之病。

白茯苓 入脾胃心肺腎膀胱

開胃化痰利水定悸。止嘔逆瀉泄除溼氣。散虛熱治胸脇氣。逆上通心氣。治憂恚驚悸。心下結痛。導熱滋乾。流通津液。治煩滿寒熱。口焦舌乾。利小便。

杏仁 入肺

散邪除氣。定喘瀉滯。散結潤燥。除肺中風熱。咳嗽。不出油用。亦能潤滑大腸。

貝母

肺經氣分藥

反烏頭一名瘟

兼入心經。善解心胸鬱結之氣。肺受心胞火。乘因而生痰。或為邪熱所干。喘嗽煩悶。非此莫治。實為肺家燥痰開鬱散結。化痰解毒之專品。

乾柿白霜

專清肺胃之熱

在元氣未滿。可勝寒潤者則宜。若虛勞煩嗽喘乏者用。則鬱閉虛陽病根日固。與埋薪灰燼中無異。

柿蒂

味清無毒。取其清以斂內蘊之熱。故專治呃逆。痲雖忌瀉而柿蒂之清。非若五味之酸收。閉清比也。故疹家呃逆及心中作逆者。公然用之而无忌。

枇杷葉 入肺胃

治夏月傷暑氣逆最良。能和胃下氣。蓋氣下則火降。痰消胃和。則嘔定。噦止。故為治心逆嘔噦及癆嗽之上品。胃寒嘔吐者忌用

桑根白皮

瀉肺氣之有餘。止嗽而能利水。肺中有水氣及肺火有餘者宜之。又治唾血熱渴。水腫腹滿。臚脹利水道。去寸白虫可以

鍾金霜。鍾後用熱雞血塗之。

肺虛無火因風寒而嗽者服之風邪反閉固不散而成久嗽

馬兜鈴 入肺

散氣肺熱痰喘。聲音不清者宜之。能清熱降氣。麻疹內陷喘

滿聲瘖啞者宜多用之。肺冷金寒喘嗽失音者忌用

款冬花 蜜水拌炒

性溫而不燥。血為溫肺治嗽之要藥。潤肺消痰。止嗽定喘。喉

痺喉痛。肺痿肺癰咸宜。治麻亦宜慎用。但非若吉梗為害之

大耳。

金沸艸 即旋覆花 肺經大腸要藥

能開結下氣。行水消痰。治驚悸祛痞。堅除寒熱。散風溼開胃。

氣止嘔吐除噫氣。故肺中伏飲寒嗽者宜之。但性專溫散陰虛勞嗽風熱燥

咳不可誤用。用之嗽愈甚。

括萆仁去壳打去油

潤燥。為治嗽消痰止渴之要藥。能洗滌胸膈垢膩鬱熱。並治

喉痺痛引心腎。咳唾喘息。及結胸滿痛。能降上焦之火。使痰

氣下降。斑疹氣喘鼻扇者必用。脾胃虛嘔吐自利者忌用。

天花粉

降上膈痰熱。潤心中煩渴。除時病狂熱。祛酒痺淫黃。治癰瘍

解毒排膿。清胃祛熱生津。凡痰飲色白。清稀者忌用。

甜葶藶隔布炒香研宜用絹濾過服

入大腸膀胱



專泄肺中之氣。主癥瘕積聚。破堅逐邪。通利水道。亦能滑大  
便。為能引領肺氣下走大腸也。又治肺癰喘逆。痰氣積聚。通  
身水氣。肺中之水氣。臍滿者。非此不能除。故能瀉肺經水蓄  
之症。又能消麻疹頭面手足遍身浮腫。脾胃虛者忌用

北芥子 入肺

散表利氣。豁痰散腫。消腫辟惡。痰在脇下。及皮裏膜外者。非  
此不達。泄瀉傷精。肺經有熱。虛火亢炎者忌用。

家蘇子

諸香皆燥。惟此獨潤。虛勞咳嗽。必用之。藥性能下氣。胸膈不  
利者宜之。與橘紅同為除喘定嗽消痰順氣之品。但性主疎泄。氣虛久

寒陰虛喘逆脾虛  
便滑者皆忌用。

萊菔子

即蘿蔔子

治痰有推牆倒壁之功。長於利氣。生者升。炒熟者降。升則吐  
風痰。降則定痰嗽。

竹瀝

善透經絡。治筋脉拘攣。痰在皮裏膜外。筋絡四肢者。非此不  
能化之。胃虛腸滑及氣粗便閉者誤用。每至呃逆不食脫泄不止而死。

紫苑茸

肺經血分之藥

止咳逆上氣。胸中寒熱結氣。能疎利肺經血氣。去蟲毒痿痺。  
能散結降氣。專通肺氣。使熱從尿出而去。療咳唾膿血。消痰。

止渴。又治下痢肺痛。善調五勞體虛。止咳定喘。療驚悸吐衄。

諸血。陰虛肺熱乾咳者忌用。

麥冬 入心肺胃腎

定心熱驚煩。療肺痿吐膿。專泄而不專收。能清燥而滋水源。

寒多人忌服。

肥知母 入胆胃脾肺

能瀉有餘相火。理消渴煩蒸。下潤腎燥而滋陰。上清肺熱而

除煩。表症未除。瀉痢有燥渴。脾胃虛人忌用。

天冬 肺經氣分藥

兼通腎氣。咳逆喘促。肺痿肺癰。吐衄乾咳。痰結。能滋肺。肺燥

者宜之。能保肺不受火擾。清金降火。益水之上源。故能下通腎氣。

### 藕汁

性專散血。止血。除痛。

### 梨汁

消痰降火。止心煩。

### 地骨皮 三焦氣分藥

下焦肝腎虛熱。骨蒸自汗者宜之。有益精氣退邪火之妙。

### 家生地黄 入心腎心胞絡肝經

兼行脾與小腸。為散血之專藥。主傷中。逐血痺。填骨髓。長肌。

肉作湯除寒熱積聚。療折跌傷筋。久服身輕不老。又治心熱。五心熱。益腎水涼心血。脉洪實者更宜。戴元禮曰。陰微陽盛。相火熾強。來乘陰位。日漸熬煎。陰虛火旺之症。總宜用家蘭生地黃。以滋陰退陽。故麻宜始終用之。

乾生地黃 入脾腎

涼血滋陰。潤皮膚。虛而有熱者宜。故麻不宜用之。

紫草 入心胞絡及肝經血分

專於涼血活血。利大小腸血。痘疹未出。熱毒甚。大便秘澀。而毒不得發越者。及已出紫黑。便閉者俱宜。痘疹色紅或白。二便利者忌用。

紫草茸 麻疹不用

乃騏驎竭樹上。蟻壤聚其脂液而成。與蜂釀蜜無異。出真蠟國者為上。波斯國者次之。古方用以治五臟邪氣。金瘡崩漏。破積血。生肌止痛。今人專用之治痘瘡。為其有活血起脹之功。無醎寒作瀉之患。其功倍於紫草。故以紫草茸呼之。實非紫草同類也。其性甘醎平。有小毒。近時人多不知此品。故附入於此。

紅花又名紅藍花

能行男子血脉。通婦人經水。活血解痘麻毒。散赤腫。治產後血暈及胎死腹中。少則養血。多則行血。過用使人血不止。且性兼上行。不可不知。亦主蠱毒下血。

白茅根

降除使熱利小便止渴治吐衄便尿諸血。

靜白茅花 入肺

性上升散熱止衄。

鮮射干

治咳逆上氣喉痺咽痛不得消息散結氣除腹中邪熱食飲大熱等候。

竹茹

專清胃府之熱為虛煩煩渴胃虛嘔逆要藥咳逆唾血產後虛煩無不宜之性雖寒而滑能利竅可無鬱遏客邪之慮。

漢防己

去身半已下。溼熱善走下行。長於除溼。主下焦血分之病。除邪利大小便。去風寒溫瘧熱氣諸病。療水腫膀胱熱。通腰理利九竅。大抵二便不利。下焦溼熱者可用。凡上焦溼熱忌用。其苗名木防己。

當歸 入心脾肝

凡血受病。及諸病夜甚者。必須用之。專破惡血。養心血。潤腸胃。榮筋骨。皮膚。理癰疽。排膿止痛。和營血。散內寒。身能養血。尾能行血。乃血中氣藥。故咳逆上氣。陰虛陽無所附者。用之補陰則血和氣降矣。

牡丹皮 入心腎心胞絡肝經



治血中伏火。故相火勝腎。無汗骨蒸為專藥。其味辛氣寬。能開發陷伏之邪外散。故主治寒熱中風。痲瘋驚癇等症。癰聖瘀血。留舍腸胃五臟。及陰虛吐血。衄血必用之藥。有行瘀血生好血。破積生新。引血歸經之功。能走泄精液。汗多自汗者起用之。恐致根脚散闊。及婦人血崩。與經行過期不淨。屬虛寒者俱禁用。

銀杏

又名白菓

能定喘。生嚼止白濁降痰。消毒殺虫。塗鼻面手足。去皴皸黥生。搗能浣油膩。同豕搗將衣被殺虫虱。去痰垢之功。可例推矣。熟則壅遏閉氣。多食令人臃脹昏悶。凡食此過多。腹悶欲死者。急以鷺翎蘸香油於喉中攪之。得吐則生。或以羹

清灌之亦可。

元胡索 入脾胃

能活血止痛。治小便尿血。炮炙論曰。心痛欲死。急覓元胡。以其能散胃脘氣血滯痛也。善行血中氣滯。氣中血滯。性走而不守。惟有瘀滯者宜之。痲症腰疼。在未收之前生用。已收之後醋炒用。

金釵石斛 入脾胃

甘可悅脾。故厚腸胃而治傷中。鹹能益腎。故益精氣而補虛。贏為治胃中虛熱之專藥。又能堅筋骨強腰膝。骨痿脾弱。囊溼精少。小便餘瀝者宜之。痲後不食。多用與服。即能食。

蒲黃 入心胞絡肝經

治血治痛生則行血炒則止血。生炒並用。則能逐瘀生新。主心腹膀胱寒熱利小便止血消瘀血。凡婦人痲症正產墜胎天癸正臨及妄行等候必需之藥。

牡礪

治傷寒亡陽汗脫。

敗蒲扇 敗蒲蓆

汗積日久。感寒相濟。故用以燒灰撲身止汗。其用蒲扇者。乃取扇動招風止汗之義也。非謂蒲能禁汗耳。

紫芫花

陳者良水浸一宿晒乾醋炒以去其毒反甘草。

消痰飲水腫。治咳逆咽痛。疝瘕癰毒。逐水瀉溼。能直達水飲。窠囊隱僻處。取效甚捷。不可過劑。泄人元氣。又能瀉肝經水。蓄之症。勿因其為放水之品。於麻疹水蓄之候。置而不用。百部根。肥白者良。抽去心用。不去心用。則生煩悶。但其氣溫。

為殺虫要藥。故肺熱癆瘵。咳嗽有寸白者。宜之。○音饒燒虫痢。及傳尸骨蒸。多用之。凡肺胃寒者。宜之。癰疽有生肺癰者。權用。又以水濃煎。洗牛馬虱。樹木虫蛀。用填孔中。更削杉木塞之。其虫即死。殺虫之功。於此可知。

陳皮 入脾肺氣分

治胸中痰熱逆氣。為消痰運食之要藥。留白則補脾胃。去白

則理肺氣。能瀉肺損脾。理氣燥溼。為麻疹之禁藥。無咳者。用留白陳皮以甚之。

樗根白皮

苦溫有毒。入氣分。暴痢滯者宜之。

槐花

入大腸胃心胞絡肝經。

治大小便血。目赤腫痛。腸風下血。痔血。狀毒。

辰砂

主身體五臟百病。養精神。安魂魄。益氣明目。殺精魅邪惡鬼。久服通神不老。能化為汞。

龍胆草

性沈降。治肝經邪熱。下焦溼熱。目赤腫瘀肉。小兒肝氣。去腸  
中小虫驚癇。與溼熱邪氣之在中下二焦者。非此不除。以其  
專伐肝胆之邪也。

桃仁 入心胞絡肝經

為血瘀血閉之專藥。雖苦能泄血滯。甘可生新血。必竟破血  
之功居多。治熱入血室。瘀積癰癥。經閉瘕母等候。而麻症心  
腹痛。大腸閉結。亦有權用者。

百合

補土消痰止嗽。利小便。散積蓄之邪。主邪氣腹心痛。然性專  
降瀉中氣。故麻症亦間有用者。虛寒二便清

側柏葉

性寒而燥。大能伐胃。雖有止血之功。而無陽生陰長之力。血亡

虛家不

宜擅用。

麻黃去根節湯泡去沫量用。麻症用酒同蜜

入膀胱

乃肺經之專藥。故治肺病多用之。去皮毛氣分寒邪。以泄寒實。蓋皮毛外閉。邪熱內攻。肺氣拂鬱。乃衛實之候。宜用之以發汗。若過發則汗多亡陽。飲食勞倦及雜病自汗表虛之症用之則脫人元氣禍患莫測。故麻症不輕用。麻黃根專能止汗。但不宜連根而用。

麻後宜用藥性

川紋蛤 入腎

為潤下之味。止渴利小便。治咳逆胸痺。腰痛脇急。鼠痿崩中等症。

蚕脫

又名馬鳴脫。微炒用。即老蚕眠起所脫之皮。今以出過蚕之紙為馬鳴退。非也。

治目中翳障。較之蟬脫更捷。惜乎一時難覓。

蜜蒙花

入肝經血分

潤肝燥。為搜風散結目疾專藥。治青盲昏翳。赤腫多眵淚消。目中赤脉。及小兒痘疹餘毒疳氣攻眼。

川木賊



能發散解肌升散火鬱風溼。專主眼目風熱暴翳止淚。取其

能發散肝肺風邪多用令人目腫。久翳及血虛者傷暑與暴怒赤腫者忌用。

白蒺藜

酒浸炒焦去刺

入肝腎

治痰消癰腫搜腎賦風氣為治風明目要藥。風入心腎心胞絡者此為嚮導。目疾為風木之邪風盛則目疾風去則目明矣。其性苦能泄溫能宣辛能潤故專治惡血破癥結積聚治喉痺乳難。

草決明

又名決明子炒研

能清熱明目治青盲目淫眼赤淚出不宜久服久服令人患風相感志云園中種決明蛇不敢入。

石決明

九孔者佳。新包煨熟研。水飛過用反雲母石。

入肝腎

為磨翳消障之專藥。又治風熱入肝。煩擾不寐。遊魂無定。下宜久服。恐消乏過當。令人寒中。

金銀花

入脾通肺

主下痢膿血。為內外癰腫之要藥。解毒祛膿。瀉中有補。癰疽潰後之聖藥。能消腫。又能利風虛。氣虛膿清。食少便瀉者忌用。

紫背浮萍

又名水草

入肺

其性輕浮。入肺經。達皮膚。故能發揚邪汗。為祛風專藥。發汗勝於麻黃。下水捷於通草。惡疾癘風遍身者。濃煎浴。半日多效。本經主暴熱身痒者。以其專疎肌表之風熱也。下水氣者。

以其兼通胃大腸肉理也。勝酒者。謂胃與大腸通達而能去酒毒也。長鬚髮者。謂毛竅利而血脉榮也。止消渴者。謂經氣和而津液復也。去風丹治大痲風癩風。一切有餘風溼脚氣及三十六種風皆驗。元氣本虛人服之。未有不轉增劇者。至於表虛自汗者尤為戕用者須慎。

附治風丹方 紅萍為末。蜜丸彈子大。以豆淋酒下一丸。並附豆淋酒法 黑豆半升。炒令烟出。以酒三升浸之。去豆以酒聽用。

苦參 直入腎經

凡內有實熱者。足以當之。若溼熱既去而更用之。必致苦寒傷腎。定生腰重脚弱之疾。

威靈仙

性善下走。通十二經。故能宣通五臟。治胃脘積痛。脚脛痺溼。痛風之要藥。消水破堅積。朝服暮效。痘疹毒壅於上。不能下達。腰下脛膝起。澀遲者。用為引下。立效。其性利下。病人壯實者。誠有殊功。但能耗血走氣。氣虛者服之。必虛瀉而成痼疾。血虛不因風溼者。忌用。

白菊花

去風熱之要藥。治諸風頭眩腫痛。目欲脫淚出。又治皮膚死肌。惡風溼痺。久服利氣血。

石菖蒲 入心胞絡腎經

心氣不足者宜之。主風寒溼痺。咳逆上氣。開心孔。補五臟。通九竅。明耳目。出聲音。主耳聾。癰瘡。溫腸胃。止小便利。久服不忘不惑。

### 胡黃連

大伐賊。腑骨髓邪熱。小兒腎氣實。猶可當之。腎臟不足者用之。奪人天元。性能直達下焦。善搜淫火之毒。忌猪肉。犯之漏精。

### 川鬱金

入心及心胞絡

治吐血衄血。唾血。血腥。破惡血。血淋。尿血。婦人經脉逆行。產後敗血沖心。及宿血心痛。

### 川姜黃

入脾

有二種。蜀川生者色黃。質嫩有鬚。折之中空。有根。切之。分為兩片者。為片子姜黃。江廣生者質

粗形病。如乾姜僅可染色。不入湯藥。今藥肆混市。誤人。徒有耗氣之患。而無治療之功也。治血中之氣。又治風寒溼氣。手臂痛。又治癰疽瘰癧。通經消腫毒。

### 殭蚕

祛風化痰。治驚癇夜啼。去三虫。滅黑黥。男子陰瘍。又治咽喉腫痛。喉痺立愈。又治風痰結核。頭風。皮膚風癢。丹毒作痒。疳蝕金瘡。疔腫風疾。皆取其散結化痰之義也。

### 天麻 肝經氣分藥

肝虛不足。用以補之。諸風掉眩。眼黑頭旋。風虛內作者。非此不治。小兒驚痰。風熱服之即消。凡久服。則遍身發出紅斑。是

其定風之驗也。

血虛無風。火炎頭痛。口乾便閉者。不可妄投。

遠志入腎

非心藥也。能強志益精。

酸棗仁入肝胆

煎入脾經。酸棗本酸性收。其仁則甘潤而性溫。故能散肝膽二經之滯。炒熟用。則收斂津液。故療膽虛不得眠。及煩渴虛汗之症。生用。則導虛熱。故療膽熱好眠。神昏倦怠之症。又治心腹寒熱。邪氣結聚。酸痛血痺等症。皆生用以疎利肝脾之血脉。肝虛煩心不能藏魂。及傷寒虛煩多汗。與虛人盜汗者。皆炒熟用以收斂肝脾之津液。

青皮

入肝脾

破滯氣。削堅積。及小腹疝疼。凡久患瘡而熱甚者。必結痞塊。宜多服。能疎利肝邪。但伐肝太甚。中虛者忌用。恐傷生發之氣。又最能發汗。汗多者忌用。

山茱萸

止小便利。秘精氣。治腦骨痛。療耳鳴。補腎氣。興陽道。堅陰莖。添精髓。止老人尿不節。治面上瘡。能斂汗。命門火旺。赤濁淋痛。及小便不利者。

忌用。

柴胡

入胆經

本手少陽三焦。足少陽胆經藥。若病手太陽小腸。足太陽膀胱。



肱。用此味大早則引寇入門。麻症所以始終忌也。其性升發虛而氣升者。嘔吐及陰火炎上者。忌用。若陰虛骨蒸服之。助其虛陽上逆。勢必耗盡真陰而後已。麻症血多虛耗。故切為戒。忌操司命之權者。不可不察。

### 銀柴胡 入腎胃

性味與石斛不甚相遠。不獨清熱。兼能涼血。虛勞宜用。且能推陳致新。明日益精。麻後身熱不除。日久尙羸者。甚宜。

### 九肋鼈甲

治瘰癧瘡母。虛勞寒熱。癰疽痞疾。經水陰瘡。骨蒸勞熱。自汗等症。

阿井膠 益肺補腎

治心腹內崩。勞極洒洒如瘧狀。腰痛四肢酸疼。女子下血。安胎。為諸失血要藥。勞症咳嗽喘急。肺痿肺癰。潤燥滋大腸。治下痢便膿血。所謂陰不足者。補之以味也。久服輕身益氣。

附辨真偽法

以頂上有髻文。極圓整者為真。折之沈亮。不作屑。不作皮。臭。以蛤粉炒成珠。經月不軟者為佳。東阿產者。雖假猶無妨害。其水膠入木煤。廣造有傷脾氣。慎不可用。

五穀虫

又名天漿子

治小兒諸疳積滯。腹大脚弱。腎膜遮睛。

穀麥芽

消穀食。

芡實米

益脾利溼遺精濁滯小便不禁者宜之。

白扁豆

助脾胃和中下氣治霍亂。

薏苡仁

升少降多。能清脾祛肺熱。及久虛勞嗽。肺痿肺癰。虛火上乘。皆宜用為下引。又能利筋去溼。治久風溼痺拘急。不能伸屈之病。其功專於利水溼。治虛人小便不禁。如治水溼。則生用。

津枯便秘。陰寒筋。及妊娠  
禁用。以其性專下泄也。

六神麴 入胃

其功專於消化穀麥酒積。脾陰虛胃火  
盛者忌用。

山楂肉 入肝脾胃

大能尅化飲食。其功長於消肉積。行滯血。痢疾初起。多積垢。  
用姜汁炒。

生薑 入脾肺

散風寒。止嘔吐。化痰涎。消脹滿。去臭氣。通神明。治傷寒頭痛。  
鼻塞。咳逆上氣。嘔吐等症。煨熟用。則降而不升。止腹痛泄  
瀉。扶脾氣。散鬱結。

紅棗

脾經血分藥

和榮衛滋脾土平腎氣。中滿者忌用

吉梗

清肺氣利咽喉。為肺部引經藥。又能開提腠理。與甘草同為舟楫之劑。諸藥有此一味。不能下沉。但其性升。麻症最忌升發之味。甚不宜用。即痘瘡下部不能起發。亦為之忌。蓋其能阻藥力於上。不能下達也。

甘草

反海藻大戟芫花甘遂

主五臟六腑寒熱邪氣。堅筋骨長肌肉。倍氣力。解金瘡腫毒。生用瀉火解毒。炙用補中散表。雖能和藥性。為常用之品。然

能調補中氣。故麻症切為禁忌。

白芍藥

反藜蘆

用入脾藥以酒炒。入止血藥以醋炒。入和營藥及下痢後重。血熱癰毒俱以酒洗生用。性酸斂。膀胱得收斂愈閉。故小便不通者忌用。麻症最忌收斂之味。最宜利小便之品。是以麻症切忌。

赤芍藥

性專下氣止痛。而麻症亦忌。

檳榔

泄胸中至高之氣。使之下行。性如鐵石之沈重。能墜諸藥至

於下極。逆氣理急。諸氣壅腹脹後重。胸腹脹。食積滯作痛。下  
氣消脹。逐水除痰。殺虫。治痢攻食。破積止瘕。瘰癧。脚氣。痺痛。  
等候並治。

### 大腹葶

散無形之滯。治痞滿。胸脹水氣浮腫。脚氣壅道。

### 厚樸

能破血中氣滯。治中風傷寒。頭痛寒熱驚悸。逆氣。血痺死肌。  
去三虫。

### 蕪荑

辛散能祛五内皮膚。骨節溼熱之病。去疳殺虫。及腸風痔瘻。

惡瘡疥癬。

### 五靈脂

氣腥。味苦酸。大傷胃氣。雖有治目翳。療中腕疼痛之功。藜蘆之人。稍可以用。膏粱之士。大為不宜。麻症亦僅於香薷湯中用之。

### 香附米 三焦肝經氣分藥

開鬱消痰食。止諸痛。散風寒。行血氣。月候不調。胎產崩漏。多怒多憂者之要藥。治兩脇氣妨。心忪少氣。生用則上行脇脇。外連皮毛。故能散風寒。熟用則下走肝腎。外徹腰足。故能調氣血。



# 烏藥

散諸氣。治中風中氣諸症。能理七情鬱結。上氣喘急。能治氣血凝滯。霍亂吐瀉。痰食稽留。但膏粱之輩。血虛內熱者忌用。

吳茱萸

入肝行脾

散邪溫中。下氣止痛。咳逆寒熱。除溼血痺。逐風邪。開腠理。定吐止瀉。理關格中滿。脚氣疝瘕。制肝燥脾風。厥氣上逆。陰寒肺寒。氣不得上下。腹脹下痢。又治氣逆裏急等症。

藿香葉

入脾肺

助脾醒胃。故能止嘔逆。開胃進食。溫中快氣。去瘴氣。止霍亂。治心腹痛。凡時行疫癘。山嵐瘴瘧。用此醒脾健胃。則邪氣自去。

可容而舒。陰虛火旺。胃虛作嘔。內無留滯者忌用。恐傷正氣。引邪入內。

川芎 入肝

血中理氣藥。搜肝氣。補肝血。潤肝燥。又治一切風氣。血氣及面上遊風。目疾多淚。俱宜。且上行頭目。下行血海。為三焦胆心胞絡肝頭痛。及血虛頭痛之聖藥。助清陽之氣。去溼氣在頭。頭痛必用之藥。痲症若未收之前用之。反致頭疼。故痲症忌用。血痢已通。而痛不止。用之以行氣。又治婦人血閉無子。凡骨蒸盜汗。陰虛火炎。咳嗽吐逆。及氣弱之人。不可服。為其性辛散。令真氣走泄。而陰愈虛也。

縮砂仁 脾胃肺腎大腸小腸膀胱七經之氣藥

能引諸藥歸丹田。治脾虛泄瀉。宿食不消。瀉痢白沫。腹中虛

痛。寒飲脹痞。噎膈嘔吐。和中行氣。止痛安胎。用之悉效。又治

血痢。大炎咳  
嗽忌用

半夏入胆

兼入胃脾。虛而有痰氣者。宜加用之。胃冷嘔噦。最要之味。治  
心下堅胸脹咳逆。頭眩咽喉腫痛。又能利水開痰。故能治腸  
鳴。下氣止汗。但其性悍燥。辛溫有毒。能去溼豁痰。健脾。痲症  
故切禁之。

南星

又名  
虎掌

為開滌風痰之專藥。能下氣利膈。破堅積。除痲痺。散血墮胎。  
治風勝溼。除痰攻積。拔腫。又治口喎舌糜。諸風口禁。但其味

辛而麻。氣溫而燥。性緊而毒。故麻症禁用。

### 人參

補五臟。安精神。定魂魄。止驚悸。除邪氣。明目。開心。益智。補元氣。止渴生津。和營養衛。久服輕身延年。

### 沙參

專瀉肺氣之熱。喘嗽氣壅。小便赤澀不利。金受火尅。陰虛失血。或喘嗽寒熱。及肺痿等候。宜之。

### 升麻 胃經本藥

性升上行。治中惡腹痛。用以開發胃氣。治喉痺口瘡。用以升散大腸胃三焦胆之大熱。以其氣發動熱毒於上。為害莫測。

故麻疹尤為切禁。誤用喘滿立至。惟麻後口瘡牙疳及脫肛等候方可略施。張璐先生曰。按古方麻疹升發藥中多用升麻。易知升麻性升。能升動陽氣。每致邪熱上浮。而作喘逆。常以紫蘇蔥白代之。非但升麻當慎。即吉梗初起之時亦須酌用。恐其載引濁氣於上也。

白朮

又名山薑

入脾胃

生用除溼。滋燥。消痰。利水。治風寒溼痺。死肌。痙疸。散腰膺間血。及衝脉為病。逆氣裡急等候。製熟用。和中補氣。止渴生津。止汗除熱。進飲食。安胎等候。又主大風在身。而風眩頭痛。目淚出。逐皮膚間風水結腫。除心下急滿。及霍亂吐下不止。益

津暖胃。消穀嗜食。但其純陽之土氣而無益陰之能。故煎症禁用。

### 附製法

入諸補氣藥中。飯上蒸數次用。

入肺胃久嗽藥中。用蜜汁拌蒸。

入脾胃痰溫藥中。用姜汁拌晒用。

入健脾藥中。用土炒用。

入瀉利虛脫藥中。炒存性用。

入風痺痰溼藥中。利水破血藥中。俱生用。

蒼朮

可升可降。能入諸經。疎泄大腸。與胃之滯。而安脾肺。辟時  
行惡氣。因用米泔水浸炒。故能除上滯發汗。能發汗。故能去  
風寒溼氣。祛滯而去死肌。痙疸下氣。而消痰食飲癖。又能總  
解諸鬱。性雖開腠理。而辛熱溫燥。故麻症禁用。